



In dumënia 6 de Otober él gnü sughé la sesta partida dl campionat 2013/14 de 3^a categoria por La Val. Do la parité dl'andata dl secundo turno de Copa Provinzia da in mercui é La Val che davagna la partida cuntra la squadra da Olang sön le ciamp dal sport a La Val.

La squadra lascia udèi na bela prestaziun, suradüt dl prüm tēmp daulache al é tumè dūc i trei goi por La Val.

La partida mēt man y a sughé bun é atira la squadra jona da Olang che tēgn le pal bas y cun de beles combinaziuns esi bugn de se fà inant ruvan ince a tra te porta. Le assedio dūra però ma pūc menüć, i sogadus da La Val se posizionēia indo bun te ciamp y mēt man de lascè udèi sò jūch. La prūma ocasiun é Alex E. che à, al ciafa le pal sön n cross bas mo al rōia mal lassura y tira le pal de pūch sura porta fora. Pūc menüć dedô tomel spo le prüm gol, sön na puniziun fora dl area éle le medemo Alex E. che cun na bela combinaziun cun Micky é bun de trà n bel tiro teso sön le palo lunch.

Le resultat é sbloché y i sogadus da La Val ciafa ciamò plü coraje, al ne passa nia tröp tēmp che Alex A. radopiēia le resultat cun n bel gol. Sön na puniziun de Micky da na pert abinel le pal al volo y le piazzēia dlungia le palo it. Atira dedô éle n defensur avversar che fej n burt fallo sön Micky te area, chēsc ne vëgn bëgn no udü dal arbiter, che fej jì inant le jūch. Tartan düt le prüm tēmp ne é la squadra da Olang nia prigorosa, al é la squadra da la Val che à la partida tles mans.

Le terzo gol toma spo pūch dan la fin dl prüm tēmp, sön na bela aziun da pert di atacancé é Emanuel D. che mēt n bel pal ite sön porta, n defensur avversar ò le trà demez y le tira bel avisa te sūa porta.

Le arbiter sciūra püch do le prüm tēp y i sogadus vā a palsè sön le resultat de 3 a 0 por La Val.

Do la palsa é la squadra da Olang che fej druch, i sogadus aversars vëgn lascià dasusc y po sughé de bì pai sēnza gnì pressà. Le Olang rōia plö gunot al tiro, mo le portier Merch che da na gran segurēza, é tres bun de se fà aldì y de parè chisc tiri. La nervosité crēsc mo i sogadus da La Val é bugn de stè conzentrà y de gestì bun le resultat. Le arbiter mēt ince man de partì fora gheles y se fej influenzè dai scrai di sogadus. Na ocasiun é ince Stefan che à, sön n preparativ de Alex E. tirl n tiro bas che ti rōia avisa ados al portier. Dedô él ince Alexander M. che vëgn lancè da na pert jö cuntra porta, mo le cross vëgn dè cun massa forza y Emanuel ne é nia bun dl controlè de cé.

A purvè de siglé le resultat é ciamò Micky che pro. Al ciafa le pal amesa l'area , bel sù tirl de prōma sön le palo cürt mo le portier da Olang rōia cun la piza dl pé a trà demez le pal.

Le gol dla bandira ne ti gareta nia ala squadra aversara y insciö se rüvel ince la partida. Trèi puné importanc por la squadra da La Val, che se posizionēia insciö al secundo post cun 13 puné do da la squadra da Rina che nun à 14.

La proscima partida de campionat é in dumēnia **fora de** **ciasa** sön le ciamp dl Gais dales **15**.

30

La formaziun titolara: Merch Vallazza, Werner Sottara, Alex Alton, Paolo Vallazza, Marco Castlunger, Alex Elzenbaumer, Stefan Sottara, Romeo Rubatscher, Marco Rossini, Micky Frenes, Emanuel Dorigo

Sostituziuns:

Marco Castlunger por Egon Frenes

Marco Rossini por Alexander Miribung

Manuel Stampfer por Emanuel Dorigo

Romeo Rubathscer por Freddy Sottara

Felix Nagler por Alex Elzenbaumer

Alenadù: Floriani Claudio

Por udèi i resultač de chësta dumënia de campionat drüca: [risultati.pdf](#)

Do la devënta de copa, chësc ultim mercui ai 11/09 contra le Aicha, é la squadra da La Val buna de purtè a óiasa 3 punc importanc. Na partida dër sintida, suradüt por l'alenadù Floriani che à alenè la squadra dl Niederdorf por 2 agn.

I sogadusc da La Val röia sön le óiamp cun na gran grinta y bele do da püc menüc tomel le gol dl 1 a 0. Sön n angolo éle Alex E. che ciafa le pal al limit dl' area y cun na bela trata sot la traversa portel la squadra da La Val in vantaje.

A mëz le prüm tēmp éle Emanuel bun de radopié le resultat, sön n assist de Alexander éle bun de se controlè le pal, cun na gran finta ti sciampel al defensur avversar y cun na trata basa batel le portier.

I atacanč da La Val é bugn de tignì sò le pal y cun de beles combinaziuns esi bugn de ti sciampè plü iadi ala defenjiun aversara, mo sënza ester bugn de ji a conclujiun.

Püch dedo éle ciamò Micky che à na gran ocasiun, sön n bel preparativ röiel te area al dër mumënt, mo le tiro röia de püch sura porta fora.

Dan che le arbiter sciüra le prüm tēmp éle ciamò n atacant dl Niederdorf che abina de cé la stangia de porta sön na trata dal angolo.

Le prüm tēmp se stlūj jö sön le resultat de 2 a 0 por La Val.

Le secundo tēmp mēt man cun n gran druch da pert dl Niederdorf, i sogadusc da La Val se stüda ia y se lascia fracé dala squadra aversara.

Cun de beles aziuns röia la squadra aversara deplü iadi dan porta y i sogadusc da La Val mēss aretrè y se parè cun dōtes les forzes. Cun le gran assedio da pert dl Niederdorf garetl tosc le gol dl 2 a 1.

Sön n lancio éle dui defensurs che ne se capësc nia y röia a saltè adüm sön le pal che vëgn insciö spizoré y ti röia bel avisa al atacant aversar che cun n tiro bas é bun de bat le portier da La Val.

La nervosité crêsc y la lucidité da do, i sogadusc mëss purvè a dūc i cosc da defēne le resultat. Cun le gran laur de Emanuel che vā a recuperè n grüm de pai sciurà demez y tēgn insciö sö le pal por che la squadra pois se arlungé, ti garetl la dopietta al 82

^.

Sön n cross da na pert éle bun de se mēt jö le pal de piet y cun na bela trata de ciamp sön le palo lunch siglëiel le resultat dl 3 a 1.

Al mancia ma plü püc menüc ala fin y i sogadusc da La Val stà plö defensiv por defēnn le resultat.

Püch dedo él le arbiter che sciūra la fin. La partida se röia sön le resultat de 3 a 1 por La Val.

Cun chisc 3 punc davagnà se porta La Val al 3º post de tlassamënt.